

LUTRIJA BOSNE I HERCEGOVINE d.o.o. Sarajevo
NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 15.12.2020. godine, d o n i o j e

P R A V I L A
novčane srećke “DVIJE ŠANSE ”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke „DVIJE ŠANSE”.

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke „DVIJE ŠANSE”.


Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.


Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „DVIJE ŠANSE” (u daljem tekstu: srećka) je igra na sreću sa unaprijed utvrđenom visinom fonda dobitaka, u kojoj učesnik u igri skidanjem emulzije sa svih šest polja predviđenih za grebanje otkrije tri ista novčana iznosa.

Ukoliko se u polju „OGREBI ZA ŠANSU“ pojavi oznaka  pripadajući dobitak se ostvaruje u jednostrukom iznosu.

Ukoliko se u polju „OGREBI ZA ŠANSU“ pojavi oznaka  pripadajući dobitak se ostvaruje u dvostrukom iznosu.

Član 4.

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.

Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovini i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan million) komada srećaka.

Novčana vrijednost emisije srećaka iznosi 1.000.000,00 KM (jedan million konvertibilnih maraka).

Odluku o broju serija donosi direktor Priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000,00 KM.

Fond dobitaka iznosi 60 % od ukupne emisije vrijednosti ili 66,67 % od ukupne emisije vrijednosti umanjene za naknadu iz stava 1. ovog člana.

Novčana vrijednosti fonda dobitaka iznosi 600.000,00 KM i dijeli se na 223.935 dobitaka.

Fond dobitaka serije se raspoređuje po slijedećem planu:

Vrste dobitaka	Vrijednost dobitka	Ukupan broj dobitnih	Izdvajanje iz fonda	Vjerovatnoća 1 : ...
1.000 KM x 2	2.000 KM	5	10.000 KM	200.000,00
1.000 KM	1.000 KM	30	30.000 KM	33.333,33
100 KM x 2	200 KM	100	20.000 KM	10.000,00
100 KM	100 KM	800	80.000 KM	1.250,00
10 KM x 2	20 KM	1.000	20.000 KM	1.000,00
10 KM	10 KM	5.000	50.000 KM	200,00
5 KM x 2	10 KM	5.000	50.000 KM	200,00
5 KM	5 KM	9.000	45.000 KM	111,11
2 KM x 2	4 KM	14.000	56.000 KM	71,43
2 KM	2 KM	25.000	50.000 KM	40,00
1 KM x 2	2 KM	25.000	50.000 KM	40,00
1 KM	1 KM	139.000	139.000 KM	7,19
UKUPNO:		223.935	600.000 KM	4,47

Prosječna vjerovatnoća za ostvarivanje dobitka iznosi 1 : 4,47.

8. OPIS SREĆKE

Član 10.

Srećka je kvadratnog oblika, a štampana je u više različitih vizuala.

Prednja strana srećke sadrži:

- Logo Lutrije Bosne i Hercegovine;
- Cijena srećke;
- Naziv srećke „DVIJE ŠANSE“;

- NAJVEĆI DOBITAK 2.000 KM;
- Šest polja za igru prekrivenih kolor emulzijom ispod kojih se nalaze ispisani novčani dobitci;
- Polje prekriveno emulzijom sa natpisom „OGREBI ZA ŠANSU“;
- Pakovni broj srećke.

Poleđina srećke sadrži:

- Logo „Srećke na dohvat ruke“;
- EAN Bar kod;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- NOVČANI DOBITAK: Ukoliko se nakon skidanja emulzije sa svih šest polja predviđenih za grebanje otkriju tri ista novčana iznosa, a u polju „OGREBI ZA ŠANSU“ pojavi oznaka „1X“ pripadajući dobitak se ostvaruje u jednostrukom iznosu.
Ukoliko se nakon skidanja emulzije sa svih šest polja predviđenih za grebanje otkriju tri ista novčana iznosa, a u polju „OGREBI ZA ŠANSU“ pojavi oznaka „2X“ pripadajući dobitak se ostvaruje u dvostrukom iznosu.
- Emisija: 1.000.000 srećaka;
- Emisiona vrijednost: 1.000.000 KM;
- Fond dobitaka: 600.000 KM;
- Datum prodaje do otisnut na srećki;
- Priređivač: Lutrija BiH d.o.o. Sarajevo, Ul.Mehmeda Spahe 11, 71.000 Sarajevo;
- Sigurnosni kod proizvođača;
- PLAN DOBITAKA;
- Podaci o dobitniku za oporezive dobitke: ime i prezime, JMB, adresa;
- Pakovni broj srećke;
- Polje sa uplatnom šifrom u brojčanoj i bar kod formi.

9. UTVRĐIVANJE DOBITAKA

Član 11.

Učesnik u igri utvrđuje dobitak ukoliko se nakon skidanja emulzije sa svih šest polja predviđenih za grebanje otkriju tri ista novčana iznosa, a u polju „OGREBI ZA ŠANSU“ pojavi oznaka ~~1X~~ pripadajući dobitak se ostvaruje u jednostrukom iznosu.

Ukoliko se nakon skidanja emulzije sa svih šest polja predviđenih za grebanje otkriju tri ista novčana iznosa, a u polju „OGREBI ZA ŠANSU“ pojavi oznaka ~~2X~~ pripadajući dobitak se ostvaruje u dvostrukom iznosu.

Učesnik u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik u igri je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik u igri koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobitci prodatih srećaka, koji nisu isplaćeni do propisanog roka, smatraju se neisplaćenim dobitcima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod polja za igru na prednjoj strani srećke se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje sa ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-7-3605-3/20.
Dana: 15.12.2020. godine

VD PREDsjedNIK

Miroslav Ćorić, s.r.